



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), člana 10. stav (3) Programa poticaja razvoja male privrede za 2021. godinu broj: 03-017-2942/2021 od 06.05.2021. godine, člana 8. stav (4) Pravilnika o postupcima u provođenju Programa poticaja razvoja male privrede za 2021. godinu broj: 03-017-2943/2021 od 06.05.2021. godine, te Izvještaja o izvršenoj obradi prijave u pogledu ispunjavanja uslova po Javnom pozivu za izbor banke za plasman posebne kreditne linije uz subvencioniranje dijela kamatne stope broj: 06-15-4815-93/21 od 11.06.2021. godine, Ministrica Ministarstva privrede, *donosi*

### ODLUKU

#### o izboru banke za plasman posebne kreditne linije subjektima male privrede uz subvencioniranje dijela kamatne stope

#### Član 1.

Za plasman posebne kreditne linije subjektima male privrede uz subvencioniranje dijela kamatne stope izabire se UniCredit Bank d.d. Mostar, ponuda broj: 50/19-3-0343/21 od 04.06.2021. godine, kao prvo rangirana banka na rang-listi nakon provedenog postupka ocjenjivanja u skladu sa kriterijima za ocjenu ponude.

UniCredit Bank d.d ocjenjena je kao prvorangirana na temelju najvećeg ostvarenog broja bodova za dostavljenu ponudu, kako slijedi:

- a) Visina finansijskih sredstava za kreditnu liniju iznosi 25.000.000,00 KM (slovima:dvadesetpetmiliona konvertibilnih maraka)
- b) Visina kamatne stope za kreditna sredstva za investicione programe u proizvodnji iznosi 2,30% fiksno, godišnje, a za ostale djelatnosti i namjene kamatna stopa iznosi 2,55% fiksno, godišnje
- c) Visina troškova obrade kredita iznosi 0,15% jednokratno od iznosa kredita
- d) Broj uspješno implementiranih kreditnih linija na području Federacije BiH ili Unsko-sanskog kantona čiji su karakter i kompleksnost slični onima koji se odnose na Javni poziv je 9.

Ponuda se odnosi na plasman posebne kreditne linije uz subvencioniranje 12-to mjesečnih troškova kamatne stope iz sredstava Budžeta Unsko-sanskog kantona-Ministarstva privrede za prvu godinu finansiranja u iznosu od 200.000,00 KM (slovima: dvijestotine hiljad konvertibilnih maraka).

#### Član 2.

Na osnovu člana 11. Programa poticaja razvoja male privrede za 2021. godinu i člana 10. stav (2) Pravilnika o postupcima u provođenju Programa poticaja razvoja male privrede za 2021. godinu, Ministarstvo privrede sa izabranom bankom iz člana 1. ove Odluke zaključiti će Ugovor o poslovnoj saradnji kojim će se regulisati međusobna prava i obaveze.

#### Član 3.

Ova Odluka stupa na snagu danom donošenja i dostavlja se svim učesnicima po Javnom pozivu.

### O b r a z l o ž e n j e

Vlada Unsko-sanskog kantona je na sjednici održanoj dana 06.05.2021. godine donijela Program poticaja razvoja male privrede za 2021. godinu. Temeljem navedenog Programa za poticajnu mjeru „Plasman posebne kreditne linije subjektima male privrede uz subvencioniranje dijela kamatne stope“, objavljen je Javni poziv za izbor banke za plasman posebne kreditne linije subjektima male privrede sa područja

Unsko-sanskog kantona uz subvencioniranje dijela 12-to mjesečnih troškova kamatne stope iz sredstava Bužeta Unsko-sanskog kantona-Ministarstva privrede za 2021. godinu, dana 17.05.2021. godine u dnevnom listu Večernji list i na web stranici Vlade Unsko-sanskog kantona.

Komisija za provođenje postupka po Javnom pozivu za izbor banke za plasman posebne kreditne linije uz subvencioniranje dijela kamatne stope (u daljem tekstu: Komisija), imenovana Rješenjem Ministrice broj: 06-45-4815-16/21 od 01.06.2021. godine i broj: 06-45-4815-59/21 od 08.06.2021. godine, provela je postupak ocjene pristiglih prijava u pogledu njihove blagovremenosti, potpunosti i osnovanosti, te u skladu sa kriterijima sačinila rang listu. Po isteku roka za podnošenja ponuda (07.06.2021. godine) evidentirano je da je u Ministarstvu privrede prispjelo tri ponude koje su se otvarale redoslijedom kojim su zaprimljene i to:

1. Sberbank BH d.d. Sarajevo, 04.06.2021. godine,
2. UniCredit Bank d.d. Mostar, 04.06.2021. godine i
3. BBI-Bosna Bank International d.d. Sarajevo, 07.06.2021. godine,

Komisija je konstatovala da su ponude blagovremeno zaprimljene. Uvidom u priloženu dokumentaciju Komisija je utvrdila da dostavljena dokumentacija svih ponuđača ispunjava formalno pravne i tehničke zahtjeve ugovornog organa, te da su prihvatljive i da mogu biti predmet ocjenjivanja. Uvidom u dostavljeni Zapisnik i Izvještaj utvrđeno je da je Komisija blagovremeno i pravilno izvršila otvaranje ponuda i ocjenu prispjelih ponude o čemu je sačinila odgovarajući Zapisnik i Izvještaj.

Komisija je Izvještajem broj: 06-45-4815-93/21 od 11.06.2021. godine, utvrdila rang-listu ponuda, prema kojoj je prvorangirana UniCredit d.d. Mostar, koja je ostvarila najveći broj bodova (90,28 boda) i kao najpovoljnija ponuda banke broj: 50/19-3-0343/21 od 04.06.2021. godine.


Cijeneći navedeno, odlučeno je kao u dispozitivu.

#### **Pouka o pravnom lijeku**

Protiv ove Odluke može se izjaviti prigovor Ministarstvu privrede Unsko-sanskog kantona, najkasnije u roku od 5 (pet) dana od dana prijema ove Odluke.

**Broj: 06-15-4815-96/21**  
**Bihać, 11.06.2021. godine**





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 10. stav (5) Programa poticaja razvoja male privrede za 2021. godinu broj: 03-017-2942/2021 od 06.05.2021. godine i člana 8. stav (6) Pravilnika o postupcima u provođenju Programa poticaja razvoja male privrede za 2021. godinu broj: 03-017-2943/2021 od 06.05.2021. godine, na prijedlog Ministarstva privrede, Vlada Unsko-sanskog kantona na sjednici održanoj dana 01.07.2021. godine, d o n o s i:

## ODLUKU

### I

Daje se saglasnost na Konačnu Odluku o izboru banke za plasman posebne kreditne linije subjektima male privrede uz subvencioniranje dijela kamatne stope, nakon provedenog Javnog poziva za izbor banke za plasman posebne kreditne linije subjektima male privrede uz subvencioniranje dijela kamatne stope po Programu poticaja razvoja male privrede za 2021. godinu, koja je sastavni dio ove Odluke.

### II

Zadužuje se Ministarstvo privrede da prije potpisivanja Ugovora o poslovnoj saradnji sa izabranom bankom, a nakon pribavljenog mišljenja Kantonalnog pravobranilaštva, zatraži saglasnost Vlade Unsko-sanskog kantona na tekst Ugovora.

### III

Ova Odluka stupa na snagu danom donošenja.

Broj: 03-017-3255/2021  
Bihać, 01.07.2021. godine



